

Prim.dr Smiljana Viteškić

Zastupnica SDA u Skupštini Kantona Sarajevo

Sarajevo, 15.01.2025.g..

Bosna i Hercegovina

Federacija BiH

Kanton Sarajevo

Skupština Kantona Sarajevo

n/r predsjedavajućeg Elvedin Okerić

Predmet: Zastupnička inicijativa Ministarstvu za visoko obrazovanje i nauku KS

Poštovani,

Podnosim inicijativu za izmjenu čl.175, stav 11. Zakona o visokom obrazovanju KS, koji bi nakon izmjene glasio:


„ Student koji je započeo studij po predbolonjskom sistemu studija, ima pravo u skladu sa Zakonom, isti okončati do 30.09.2028.godine“

PRILOG: 1.Inicijativa studenata za produženje roka za završetak studija po predbolonjskom istemu studiranja

2.Statistički podaci Službe za nastavu i studentska pitanja Univerziteta u Sarajevu.

S poštovanjem.

Prim.dr. Smiljana Viteškić





Broj: 0101-10435-1/24
Datum: 24.10.2024. godine

Prorektorica Univerziteta u Sarajevu rješavajući po zahtjevu u predmetu pristupa informacijama podnositeljice zahtjeva [REDACTED] podnesenom dana 17.10.2024. godine, pod brojem: 0101-10435/24, na osnovu člana 14. Zakona o slobodi pristupa informacijama („Službene novine Federacije BiH“, broj: 32/01 i 48/11) i člana 200. stav (1) Zakona o upravnom postupku („Službene novine Federacije BiH“, broj: 2/98, 48/99 i 61/22), donosi

RJEŠENJE

1. Odobrava se pristup informacijama iz zahtjeva, podnositeljici zahtjeva [REDACTED] pod brojem: 0101-10435/24, dostavljanjem sljedećih informacija (tuzemni podataka).
 - Podatak o broju studenata koji studiraju po predbolonjskom sistemu (stari plan i program) na Univerzitetu u Sarajevu.
2. Kopije informacija iz tačke 1. dispozitiva ovog rješenja koje sadrže ukupno 1 (jednu) stranicu, dostavljaju se podnositeljici zahtjeva uz ovo rješenje.
3. Ovo rješenje stupa na snagu danom donošenja.

Obrazloženje

[REDACTED] podnijela je zahtjev za pristup informacijama, dana 17.10.2024. godine, koji je protokolan pod brojem: 01-10435/24. Sadržaj zahtjeva naveden je u tački 1. ovog Rješenja.

Radi detaljne analize predmetnog zahtjeva i utvrđivanja činjeničnog stanja i prijedloga za postupanje, zamjenik službenika za informisanje zatražio je u skladu sa procedurama iz Vodiča za pristup informacijama pod kontrolom Univerziteta u Sarajevu – Rektorata (broj: 02-37-5-1/20 od 16. 07. 2020. godine) informacije koje su predmet zahtjeva. Od strane šefice Službe za nastavu i studentska pitanja dostavljeno je 23.10.2024. godine očitovanje u kojem je navedeno da Univerzitet u Sarajevu ima pod svojom kontrolom tražene informacije, te su iste i dostavljaju, kako je navedeno u tački 1. i tački 2. ovog Rješenja.

Na osnovu navedenog, i nakon razmatranja svih činjenica i okolnosti, shodno odredbama člana 14. Zakona o slobodi pristupa informacijama („Službene novine Federacije BiH“, br.: 32/01 i 48/11) i člana 200. stav

3 / 8



INTERNO

Sarajevo, 23. 10. 2024.

UNIVERZITET U SARAJEVU

n/r Miroslav Živanović, šefa Kabineta rektora

n/r službenika za informisanje

Predmet: Postupanje po zahtjevu za pristup informacijama podnesen od strane podnositeljice

Poštovani,

Shodno Zahtjevu za slobodan pristup informacijama dostavljenom od strane gospođe [redacted] obavještavamo Vas o sljedećem: Za potrebe izrade Izvještaja o radu Univerziteta u Sarajevu za 2023. godinu, a početkom 2024. godine, Služba za nastavu i studentska pitanja prikupila je podatke o broju predbolonjskih studenata na članicama Univerziteta u Sarajevu i taj broj iznosi 1493 studenta. Napominjemo da će se ovi podaci ažurirati početkom naredne godine kada se budu prikupljali podaci za Izvještaj o radu za 2024. godinu.

S poštovanjem,

Šef službe za nastavu i studentska pitanja

Nina Dragičević

PREDSTAVNICI GRUPE STUDENATA:

**Medicinskog, Stomatološkog,
Farmaceutskog, Prirodno-matematičkog, Pravnog i
Filozofskog fakulteta,**

UNIVERZITETA U SARAJEVU

Telefon: +387 61 355765

+387 61 265066

E-mail: predstavnici.studenata.spp@gmail.com

Predmet: Inicijativa za produženje roka za završetak studija po predbolonjskom sistemu – izmjena i dopuna člana 175. stav 11. Zakona o visokom obrazovanju („Službene novine Kantona Sarajevo“ 36/17)

Poštovani,

obraćamo Vam se u svojstvu predstavnika studenata Medicinskog, Stomatološkog, Farmaceutskog i Prirodno-matematičkog fakulteta Univerziteta u Sarajevu sa inicijativom za izmjenu člana 175. stav 11. Zakona o visokom obrazovanju KS (u daljem tekstu Zakon), a kojim je definisan rok za završetak studija po predbolonjskom sistemu zaključno sa 30. 9. 2025. godine.

S obzirom da definisani rok uskoro ističe, te da na Univerzitetu u Sarajevu studira veliki broj studenata koji u navedenom roku objektivno neće biti u mogućnosti da okončaju započeti studij, molimo Vas da prilikom navedenih izmjena poduzmete potrebne aktivnosti, koje bi u konačnici rezultirale izmjenama člana 175. stav 11. Zakona, i to na način da se rok dodatno produži.

Predlažemo da nakon izmjena i dopuna člana 175. stav 11. Zakona glasi:

„Student koji je započeo studij po predbolonjskom sistemu studija ima pravo, u skladu sa zakonom, isti okončati do 30. 9. 2028. godine“

Obrazloženje

Činjenica je da na Univerzitetu u Sarajevu postoji oko 1500 studenata koji imaju opravdan interes da se izvrše gore predložene izmjene Zakona, a kojima se prema važećim odredbama Zakona, protekom definisanog roka (do 30. 9. 2025. godine)

suštinski oduzima pravo da svoje obrazovanje okončaju u skladu sa ranijim nastavnim planom i programom (u daljem tekstu Stari plan i program) prema kojem su započeli studij.

Većina nas radi i uporedo studira i na taj način finansira školovanje. U ukupnoj strukturi zainteresovanih studenata, određen broj ima status apsolventa; određenom broju studenata je ostao samo diplomski, a neki još uvijek redovno pohađaju predavanja. Takođe, većina nas ima i porodice koje izdržavamo. Razlozi zbog kojih nismo do sada završili fakultet na vrijeme su razni i svi imaju enormnu težinu i u datim trenucima, preuzeli su prioritet studiranja, ali samo privremeno. Moramo da naglasimo da ova inicijativa nema za cilj da se bavi teškim ljudskim sudbinama, ali navedeno svakako smatramo bitnim u kontekstu cjelokupnog razumijevanja predmetnog problema.

Pored prethodno prezentiranih razloga, dodatni argumenti koji idu u prilog našoj inicijativi su:

1. Programska razlika između Starog i Bolonjskog programa koja povlači za sobom polaganje „diferencijalnih ispita“, koje je većina nas i položila, samo sada imaju drugo ime. Paradoksalno je, da bi nam u slučaju da pređemo na Bolonjski sistem, profesori poništili svoje vlastite ispite koje smo položili kod njih, samo da bi smo ih ponovo položili kod istih u 2, 3 ili 4 dijela! Ista materija, samo u par dijelova, pod drugim nazivima.
2. U slučaju da se citirana zakonska odredba ne izmijeni, sasvim je sigurno da će direktna posljedica navedenog biti vraćanje studenata na niže godine studija, što je sa aspekta gubitka vremena, ali i troškova studija u potpunosti neprihvatljivo. Realne su situacije u kojima bi studenti Starog nastavnog plana i programa, čak i oni sa apsolventskim statusom, bili vraćeni na 2 ili 3 godinu Bolonjskog sistema, što produžava studiranje za dodatnih 4-5 godina, što ni jednoj strani nije u interesu.
3. Nemogućnost zahtjevanog aktivnog prisustva nastavi - većina nas ima posao i porodice, a neki od nas ne žive u Sarajevu, tako da bi svi dodatni troškovi iznajmljivanja stanova, putovanja na predavanja, sigurnog gubitka posla imali pogubne posljedice po nas i naše porodice.
4. Nepostojanje ni najmanje naznake modela organizacije prelaska na nove studijske programe, koja nas ne oštećuje. To bi neminovno dovelo do haotičnog stanja na samim fakultetima, improvizacijama i zloupotrebama studenata, a sve bez mogućnosti i ponuđenog konkretnog zakonskog rješenja kojim se predmetna situacija reguliše. Trebamo napomenuti i ne manje bitan problem dodatnih troškova bodovanja, utvrđivanja ekvivalencije itd, koji će ponovo pasti na leđa nas studenata.
5. Specifičnost statusa studenata Starog plana i programa Medicinskog fakulteta Univerziteta u Sarajevu - Naime, vremensko ograničenje dato zakonom iz 2022 god. po čl. 175, da studenti koji studiraju po Starom planu i programu, mogu isti završiti do 30. 9. 2025. god, ne daje dovoljno vremena za redovan završetak studija, jer ima studenata koji su na 3 godini. To znači, da će 2025. godine završiti 3 godinu studija i trebati upisati 4 (četvrtu) redovno, što neće biti moguće, jer će izgubiti pravo. Identičan je problem i sa studentima 4 ili 5-te godine, koji će trebati redovno upisati 5 ili 6-u godinu studija

6. Ograničenost izlazaka i specifičnost polaganja ispita na pojedinim fakultetima, kao npr. Prirodno-matematički fakultet
7. Finansijska isplativost u korist Budžeta zbog produžetka roka studiranja po Starom nastavnom Planu i Programu; 1500 studenata redovno uplaćuje godišnju školarinu i dodatno plaća izlaske na ispite, dok prebacivanje na Bolonjski sistem, zbog gore već spomenutih razloga, će najvjerovatnije rezultirati prekidom samog studiranja
8. Svakako smatramo da je predmetno pitanje i u domenu opšteg interesa društva u cjelini. Ne treba zaboraviti činjenicu da su naša zanimanja svakako deficitarna, te nije u opštem interesu države da se odrekne hiljada akademskih građana koji su ostali u ovoj zemlji, koji žele da privedu studije kraju i koji državu ništa ne koštaju, već joj samo doprinose i finansijski i akademski. U ovo vrijeme dok hiljade mladih odlazi iz zemlje i ukupan broj studenata u KS iznosi samo 8000 mi samo želimo da ovdje završimo fakultete i ostanemo u zemlji gdje smo zasnovali porodice i kojoj želimo da još više doprinesemo stečenim obrazovanjem.

U svakom slučaju, svjesni smo i moguće argumentacije pojedinih nadležnih organa i drugih zainteresiranih, koje mogu imati stvarne posljedice po nas i koje ne bi bile utemeljene na činjenicama i realnom stanju stvari na „terenu“, tj. samim fakultetima:

1. Moguća je pretpostavka i ubjeđenje da na fakultetima nema "tehničkih uslova" da se studenti „ispituju“ po Starom planu i programu i da zbog toga moraju preći na tzv. Bolonju su, u najboljem slučaju, posljedica neinformisanosti. Neki studenti po Starom planu i programu su još uvijek prisutni na predavanjima, npr. studenti Medicinskog fakulteta (koji imaju dodatan neoboriv argument za produženje roka), a neki studenti sa drugih fakulteta su svoja predavanja odavno odslušali i na ispite izlaze zajedno sa „bolonjcima“. Ispiti se održavaju u istim ispitnim rokovima sukladno Statutu Univerziteta u Sarajevu.
2. Pretpostavka da „mali broj starih studenata uspijeva da završi studije" bi bila neosnovana, jer se svake godine broj studenata Starog plana i programa smanjuje. Prije par godina nas je bilo i do 2000, sad nas je oko 1500. Nadam se da ćete se složiti da broj od 500 novih akademskih građana nije zanemarljiv za čitav Univerzitet i akademsku zajednicu, a svi oni su diplomirali zahvaljujući ovakvim inicijativama i našom borbom da se promijeni zakon i vremenski rok.

Zaključak

Molimo da nas ne posmatrate kao "propale i stare studente", kojih se treba riješiti, nego prvenstveno kao građanin Bosne i Hercegovine koji doprinose i mogu znatno doprinijeti cjelokupnom društvu, a posebno razvoju zdravstvenog sektora.

Vi, kao predstavnici državnih institucija imate moć da odlučujete o našoj budućnosti, ne samo akademskoj, nego i ličnoj. Obraćamo Vam se sa povjerenjem da ćete stati

na našu stranu i odlučiti da nas podržite.

Prema tome, sve dok postoji i jedan student koji je uporan i želi da se akademski ostvari, ta odluka je ispravna. Svaki pojedinac/građanin je bitan kao budućnost naše zemlje, i na kraju kaže se: "Uporni završavaju fakultet!" Ova naša inicijativa, ide u prilog tome.

S poštovanjem,

u ime svih studenata Starog nastavnog plana i programa, studenti Medicinskog, Stomatološkog, Farmaceutskog, Prirodno-matematičkog, Pravnog i Filozofskog fakulteta, Univerziteta u Sarajevu :

Zlatko Zorić i Ivana Peković-Goljuf, predstavnici studenata Stomatološkog fakulteta, Univerziteta u Sarajevu

Svjetlana Lizdek, predstavnica studenata Farmaceutskog fakulteta, Univerziteta u Sarajevu

Seniha Dolovac, predstavnica studenata Medicinskog fakulteta, Univerziteta u Sarajevu

Safet Pašić, predstavnik studenata Prirodno-matematičkog fakulteta,

Univerziteta u Sarajevu

Dženan Pašović, predstavnik studenata Pravnog fakulteta, Univerziteta u Sarajevu

Inga Ostojić, predstavnica Filozofskog fakulteta, Univerziteta u Sarajevu